

¶ zwen theil / vnd ein theil * so die stuck alle zusammen gethan / ha-
 ben sie drey Vierling. Sonimb des Metals auch drey Vierling /
 vnd mach in ein Kolben s.s.s. mit der Matern vnd Blächen / doch
 daß die Bläch den Kolben nit anrühren / damit sie nit fließen / daß
 so verlutier ihn oben wol mit gutem Luto / vnd mit einem Teckel /
 laß ihn trocken werden / dann setz den Kolben in ein Kolfewr / daß
 er auff 1. stund wol durchglühe / daß laß ihn noch sechs stund stehen /
 daß er wol durchglühe / dann briche den Kolben auff / nim die Ma-
 tern heraus / so ist das Metall einer anderen Complexion / sonder-
 lich weil es Saturnum gewesen ist. Dann so reib die Bläch auff ei-
 nem glatten Stein / dann sie lassen sich gern zerreiben / zu einer
 subtilen Aschen / reibs offtermals / schwemme die Aschen in heissem
 Wasser / so setzt sich die Metallisch Aschen einig zu Boden / vnd
 was nit darzu gehört / das bleibet im Wasser. Dann so geuß das
 Wasser ab / thue die Metallische Aschen in ein Glas / vñ halb so vil
 bereiteten Benedischen * / als der Aschen ist / dann geuß darauff
 des bestē gebreñten Weins ein Maß vñ calciniertē Weinstein 10.
 Loth / setz es in ein kleine Berme 5. oder 6. tag / dann so distillier den
 brennten Wein vñ Weinstein ab in Balneo Mariae / so ist d̄ Wein
 zu der arbeit bereit / den geuß auff die Metall Aschen vnd * in ein
 Glas das er wol zwen oder drey finger darüber gange / dann so ver-
 lutier das Glas oben wol mit Bäch vnd Wachs / dz kein Dampff
 daruon oben außgange / vnd grabbs dann in ein Kofmiff / der wol
 warm sey / laß darin putrificieren 14. tag vnd nacht darinn. Distil-
 lier den brennten Wein daruon / im Sand / oder Aschen / daß
 so sterck das Fewr / so steigt die Metallische Aschen im Glas auff
 wie ein gelblecht Puluer / das nim mit einer Federen heraus in
 ein Erdins Geschirz / dann so reib das Puluer mit Essig vnd
 Salz / vnd thue einen lebendigen Mercurium darein einer Erbsen
 groß / so wirdt es alles lebendig.

Purgatio Lunæ cautela.

¶ Nimb ⊕ vnd rohen ⊕ jedes 1. Loth / Galmen 5. Loth gemein-
 Salz 12. Loth / damit purgier das Silber allein / oder pars-
 cum parte corporaliter, auff fünff Viertheil stund 3. mal.
 Alia.